



中國大事記



民國五年十月十八日

●教育部公布外國留學生規程……規程見法令門。

同 二十一日

●四川軍隊攻克綿竹縣……四川土匪巫人傑。聚衆肆擾。去冬曾劫什邡新都等縣。本年五月間。又攻佔綿竹縣。現經省中派軍圍攻。將城克復。匪首巫人傑伏誅。

同 二十二日

●財政部通電各省改正會計年度……會計年度。民國初元本行七月制。後改爲一月制。現由衆議院建議仍照舊章。以七月一日至次年六月末日爲年度。旋又經國務會議議決改正。咨行財政部。即由部擬定辦法。通電各省查照。

同 二十四日

32457
●准財政總長陳錦濤免署外交總長兼職……令外交次長夏詒霆代理部務。

●國史館館長王闓運在籍病故

●農商部呈准裁撤權度處等機關……權度處於本年一月間經前總長呈准特設。現總長谷鍾秀。以其近於駢枝。呈請裁撤。此外尚有商標登錄局籌備處及賽會處。均請一併改歸工商司辦理。本日奉大總統指令照准。

同 二十五日

●全國教育聯合會閉會

同 二十六日

●北京中國銀行實行兌現……中國交通兩銀行。五月間因金融緊迫。奉國務院令暫行停止兌現付現。現北京中國銀行。因現款籌備充足。於本日先行兌現。並經大總統令將北京交通銀行之兌換券。由財政部迅籌的款。從速開兌。其未開兌以前。仍一律使用。

●外交部向日俄兩國抗議移轉北滿鐵路……本年七月間日俄兩國締結協約。另有俄國以第二松花江以南之北滿鐵道讓與日本

32458

之附帶條件。現經我國政府探悉。以此項條件。未經我國參預。與原訂中俄北滿路約相背。侵害我國主權。特向中俄兩國提出抗議。

同 二十七日

●山東日人要求租借高密民地……青島日軍派人至高密東北軍第二師司令部。要求在高密膠濟路附近。租借民地。爲日軍之用。並欲永遠租借。不納租稅。經該司令婉詞拒絕。未允。當電請督軍與該國領事交涉。

同 二十八日

●外交次長赴津查辦老西開交涉……外交次長夏詒霆。因天津老西開中法交涉。於本日起津查辦。翌日。天津商民開公民大會。羣至交涉公署求見夏次長。因與公署委員語言衝突。致將交涉公署搗毀。並要求罷免交涉員。夏次長即於當日返京。

●德人要求漢口警權交涉結束……漢口德領。前要求華景街警權。商民羣起反對。經我國與德領迭次交涉。現德領已允撤回要求。其警權仍歸我國。

同 三十日

●總統選舉會補選副總統馮國璋當選……總統選舉會於本日依大總統選舉法行補選副總統之選舉。列席人數七百二十四人。決選馮國璋得五百二十票過半數。當選爲中華民國副總統。於十一月八日在江寧就任。

●甘肅涇寧兵變……甘肅涇州西寧兵隊叛變。肆行焚殺劫掠。

其一股竄入陝西。與各處匪徒聯合。謀攻五原。勢極猖獗。

同 三十一日

●天津中法交涉之波折……天津老西開地方。因被法人佔據。作爲租界。並拘去警察九名。經外交部向駐京法使代理公使交涉。本日法使代理公使允許回復原狀。翌日法使因報章掲載所議條件。以爲洩漏秘密。又向外交部質問。並聲明取消前議。

●俄在東三省建築礮台……俄人近在東三省興安嶺富拉爾基等處。自由建築礮台。經奉黑兩省電請外交部向駐京俄使質問。並由政府電令駐俄公使向俄政府交涉。

●黃興在滬病故……勳一位陸軍上將黃興。本日在滬病故。大總統特給治喪費二萬元。派員致祭。並交國務院從優議卹。

十一月 二日

●俄兵在奉被匪戕殺交涉……俄國近派兵士偕獸醫多人。赴奉天購軍馬。本日。在開原與匪衝突。俄兵數人。爲匪所戕。駐京俄使即向外交部提出交涉。當電奉調查真相。

●陝西省議會因被搗毀休會……陝西省議會本日議事時。有王礪廉等偕衆數百人至會。要求發電拒絕李根源爲陝西省長。議會不允。被衆將議場搗毀。因即宣告休會。並咨請省長懲究。參衆兩院以此事係督軍陳樹藩故縱。於七日請政府查辦。當派陝南鎮守使賈德耀爲查辦專員。前往查辦。

同 三日

●特任馮國璋領江蘇督軍事

●浙江省議會閉會……浙江省議會。自九月一日提前開會後。已滿法定期間。於本日行閉會禮。

同 四日

●國會議員開國會解散紀念會……兩院議員。因本日爲三年前國會解散之日。特在西直門外農事試驗場。開國會解散紀念會。

●四川新繁土匪入城焚掠……新繁土匪李黑王等。率匪三百餘人。由東門攻入縣城。焚劫知事公署、征收局、及民房多處。掠奪鎗械公款。並戕殺兵民多人。次日擄賊遁去。

同 六日

●財政部呈准設印花稅處……印花稅法施行以後。財政部曾在賦稅司內附設印花稅票總發行所。總司其成。現因稅收增加。事務繁瑣。財政部特擬訂印花稅處章程。送交國務會議。當經議決部內改設印花稅處。各省分別繁簡。查明收稅較旺者。先設分處。次第推廣。本日由部呈奉大總統指令照准。

●駐京英日俄三國公使調停天津中法交涉……法人佔天津老西開爲租界交涉。迭經外交部與法代使會議。迄無進步。本日。駐京英使朱爾典偕同俄日兩使。至外交部聲稱。對於此項交涉。公定一種條件。代任調停。外交部未經允許。旋英使因公回國。議遂中止。

32459 俄兵追擊逃哈入新疆之交涉……俄屬哈薩被俄軍追擊。竄入伊犁等處。俄兵越境追捕。駐伊俄國領事復要求鎮守使將逃哈所

擄人口送還俄領。當經鎮守使派員帶兵前往查辦。

同 七日

●黑龍江省議會因被干涉休會……黑龍江省近有人組織監視議員團。稟請省長立案。省議會因其妨害職權。議決休會。並向省長質問。由省長下令將該團取消。旋即開會。

●山東民軍善後問題之糾葛……山東民軍善後問題。自協議解決後。分別解散編制。正在進行。近日因各支部不滿意於幹部。紛紛變離。周村營長謝寶軒。率隊潛逃。濰縣章邱等處民軍。亦有譁變搶掠消息。民軍首領吳大洲薄子明。復與山東督軍互相詆諆。責爲背約。該省議會已出爲調停。

●日本在福建廈門設警交涉……福建廈門地方。突有日本警官一員。率警察七人。到來駐紮。門榜日本警察處字樣。經該地交涉員向日本領事提起交涉。

同 八日

●蔡鍔在日本病故……本任四川督軍兼署省長蔡鍔。九月間因病請假赴日本就醫。本日本在醫院病故。大總統特給治喪費二萬圓。並交國務院從優議卹。

●外交部答復德使對於法招華工之抗議……駐京德使。前因法人在華招工。向外交部抗議。現由部答稱此項工人往法。係從事農業。不致違約參與戰爭。

同 十日

●司法部召集全國司法會議……司法部爲謀司法統一及進步起

32460見。特召集全國司法界重要人員。在北京舉行司法會議。本日。在大理院開會。以司法次長徐謙爲會長。大理院庭長余霖昌爲副會長。

●日在東三省增設警察派出所：自鄭家屯中日交涉發生以後。

日人屢向我國要求滿蒙警權。經我國外交當局始終拒絕。日人不待我國許可。已在鄭家屯、昌圖、蓋平、掏鹿、八面城、農安等處添設警察派出所多處。並要求我國承認。

同 十一日

●陝省土匪攻陷鄜縣……陝西鄜縣縣城。爲土匪張青山等攻破。當由省派兵往剿。

同 十二日

●天津法界華人罷工……天津法租界受雇於法商之華人。因法人佔老西開爲租界。大動公憤。於本日一律罷工。

同 十三日

●特任伍廷芳爲外交總長……外交總長唐紹儀辭職後。政府迭在國會提出任陸徵祥汪大燮爲外交總長案。均被否決。茲復擬任伍廷芳爲外交總長。咨請國會同意。經衆參兩院於七日十一日先後投票通過。本日下午令任命。

同 十五日

●公布修正參議院議員選舉法施行細則附表增訂議員遞補證書表式……教令第三十一號。表式略。

●公布修正衆議院議員選舉法施行細則附表增訂議員遞補證書

表式……教令第三十二號。表式略。

●公布修正省議會議員選舉法施行細則附表增訂議員遞補證書表式……教令第三十三號。表式略。

●內務財政部呈准復設漕運局……京津兩處民間所用米糧。多由南省接濟。前因漕運停止。民食恆慮不敷。經財政部會同內務部商擬設立漕運局。轉運米糧。平價便民。於三年十一月呈准先行試辦。已著成效。本年六月間。該局因青黃不接。呈請暫行停辦。經財政部批准。現因京畿一帶糧價騰貴。特由內務財政兩部呈請復設漕運局。並將該局章程酌量修正。本日奉大總統指令照准。

●福州大火……福建福州南台洋中亭。於本日夜間起火。延燒二千餘家。焚死人畜頗衆。

同 十六日

●中美鐵路借款合同改訂路線……中美鐵路借款合同路線。英法俄諸國。因與前訂條約有礙。曾向我國提出抗議。現聞復與美國商定改訂路線。(一)從湖南株州至廣東欽州。(二)從海南瓊州至崖州。

●俄改哈爾濱爲省之交涉……哈爾濱本爲我國領土。清光緒二十八年。闢爲商埠。並劃定俄國租界。近有俄人將該地改爲濱江省設立總督之說。聞我國政府已向俄國提起交涉。

同 十七日

●蒙邊匪勢復熾……蒙匪巴布扎布。自被勦蒙軍擊斃後。匪勢

頗衰。現其餘匪復與馬賊及盧占魁股匪聯合。在蒙邊肆擾。並分路進窺晉北包頭鎮及奉天突泉縣。勢極猖獗。現由東山省及綏遠軍隊協力防剿。

同 十九日

●天津法領送還所拘華警……天津老西開地方站崗警察九名。前被法人拘去。迭經我國向法領要求送回原站崗位。未允。本日。法領將所拘警察釋放。令其自歸。警察以未奉本國長官命令不允。當被用車送至租界外。迫令下車。

同 十九日

●令禁止廣東水災善後有獎義會……令曰。廣東水災善後有獎義會。於三年十月。經該省將軍巡按使據港澳救災公所呈請電



呈政府核准暫行辦理。當日該省災情過鉅。籌賑維艱。暫准施行。計非得已。惟查該義會仿照鋪票辦法。實與籤捐相似。且其章程載明以二成五充賑五釐為經費七成開彩。是真假慈善之名。行賭博之實。兩年以來。流弊滋多。此項有獎義會。應與各項賭博一律禁止。以端風俗而挽澆漓。著廣東省長朱慶瀾。即行查明。尅日停辦。此後無論何項公益之事。均不准藉辦籌款。巧立名目。貽害閭閻。並由該省長隨時嚴切勸告。毋任再滋惡習。以副納民軌物之至意。此令。

同 二十日

●免內務總長孫洪伊職……令次長謝遠涵代理部務。